

0‘zbekiston davlat san‘at va madaniyat institutida faoliyat olib borayotgan professor-o‘qituvchi va xodimlar uchun 1-oktabr – “O‘qituvchi va murabbiylar kuni” munosabati bilan bayram tadbiri tashkil etildi.

Tadbir avvalida O‘zbekiston Respublikasi Madaniyat vaziri Ozodbek Nazarbekov hamda institut rektori, professor Nodirbek Sayfullayev yig‘ilganlarni bayram bilan muborakbod etdi.

So‘ng, madaniyat va san‘at sohasini rivojlantirish yo‘lidagi islohotlar jarayonida o‘z mehnatini ayamagan quyidagi professor-o‘qituvchi va xodimlarga “Madaniyat va san‘at fidokori” ko‘krak nishonini tantanali topshirildi:

Amanulla Rizayev – “San‘atshunoslik va madaniyatshunoslik” kafedrası professori, san‘atshunoslik fanlari nomzodi;

Shoira Xamidova – “Dramatik teatr va kino san‘ati” kafedrası dotsenti;

Manzura Yuldasheva – “Madaniyat va san‘at menejmenti” kafedrası professori;

Mansur Mamirov – “Milliy qo‘shiqchilik” kafedrası dotsenti;

Mahmud Rashidov – “Estrada va ommaviy tomoshalar san‘ati”

kafedrası professori;

Uljon Mamatqulova – O‘zbekiston davlat san‘at va madaniyat instituti xodimasi;

Nurnazar Kallibekov – O‘zbekiston davlat san‘at va madaniyat institutining Nukus filiali “Vokal” kafedrası katta o‘qituvchisi;

Gulsanam Tursunova – O‘zbekiston davlat san‘at va madaniyat institutining Farg‘ona mintaqaviy filiali “Sahna nutqi va san‘atshunoslik” kafedrası dotsenti.

O‘zbekiston davlat san‘at va madaniyat instituti Kengashining navbatdagi yig‘ilishi bo‘lib o‘tdi.

→Kengashda institutda o‘quv binolari, talabalar turar joylarida ta‘lim olish uchun yetarli shart-sharoitlarning yaratilganligi, kredit-modul tizimida aniqlangan kamchiliklarni bartaraf etish, 2024/2025 o‘quv yilida grant loyihalarini tayyorlash, ilmiy maqolalarni chop etish va institut reytingini oshirish bo‘yicha olib borilayotgan ishlar, 2024/2025 o‘quv yilida institutda o‘tkaziladigan xalqaro, respublika va OTM miqyosidagi ilmiy-amaliy konferensiyalar, ilmiy unvon olish uchun Oliy attestatsiya komissiyasiga hujjatlarni yuborish, kafedralardagi mavjud bo‘sh-vakant o‘rinlarga “O‘zbekiston ovozi” gazetasining 2024

yil 21 avgustdagi 33-sonida berilgan tanlov to'g'risida, professor-o'qituvchilar tomonidan yozilgan adabiyotlarni Oliy ta'lim, fan va innovatsiyalar vazirligi huzuridagi Muvofiqlashtiruvchi Kengashda ko'rib chiqish uchun yuborish va monografiyalarni chop qilishga tavsiya etish, talabalarining ijara xonadonlariga joylashtirilish holati kabi institut hayotiga aloqador bir qator masalalar muhokama qilindi.

Ushbu masalalar yuzasidan mutasaddilarning axborotlari tinglandi hamda barcha mas'ullarga tegishli topshiriqlar berildi.

0'zbekiston-Turkiya III ta'lim forumi taassurotlari

Joriy yilning 27-29-sentabr kunlari Turkiyaning Istanbul shahrida 0'zbekiston-Turkiya III ta'lim forumi bo'lib o'tdi.

Mazkur forumda 0'zbekiston Respublikasi Prezidenti Administratsiyasining ijtimoiy rivojlantirish departamenti rahbari, Oliy ta'lim kengashi raisi Odil Abdurahmonov rahbarligidagi mamlakatimiz delegatsiyasi tarkibida 30 ga yaqin OTM rektorlari bilan birgalikda ishtirok etdik.

Forumning sho'ba yig'ilishlari doirasida ikki davlatning 86 ta oliy ta'lim muassasalari rektorlari ishtirokida B2B shaklida qator hamkorlik masalalari muhokama qilindi. Muzokaralar yakunida o'zaro hamkorlik aloqalarini kengaytirish borasida 60 dan ortiq memorandum, kelishuv va shartnomalar imzolandi.

0'zbekiston davlat san'at va madaniyat institutining xalqaro

aloqalarini yanada kengaytirish, yangi hamkorlar topishda mazkur forumning ahamiyati juda yuqori bo'ldi.

Jumladan, forum doirasidagi tadbirlar bilan bir qatorda, Turkiya Respublikasining Ege universiteti rektori, professor Nejdet Budak, Gaziantep universiteti rektori, professor Arif O'zaydin, Kayseri universiteti rektori, professor Kurtulush Karamustafa, Afyon Kocatepe universiteti prorektori, professor Shuayip O'zdemir, Anqara universiteti rektori, professor Nejdet Unuvar hamda Bartin universiteti rektori Orhan Uzunlar bilan uchrashuv o'tkazdik.

Uchrashuvlarda oliy ta'lim muassasalarining imkoniyatlaridan kelib chiqqan holda hamkorlik aloqalarini o'rnatish va kengaytirish, uning doirasida amalga oshiriladigan ishlar muhokama qilindi.

Shu bilan birga, mazkur oliy ta'lim muassasalari bilan talabalar, magistrlar, ilmiy tadqiqotchilar va professor-o'qituvchilar almashinuvini tashkil etish, oliy ta'lim muassasalarida o'tkaziladigan konferensiya va simpoziumlarda o'zaro professor-o'qituvchilar ishtirokini ta'minlash, ilmiy maqola va tadqiqotlarni nashr qilishda hamkorlik qilish, videokonferensiyalar tashkil qilish, kelgusida qo'shma ta'lim dasturlarini yo'lga qo'yish kabi muhim vazifalar qamrab olingan jami 6 ta hamkorlik memorandumi imzolandi.

Shuni ham alohida ta'kidlash joizki, Istanbul texnika universitetida o'tkazilgan forumning tantanali ochilish marosimida O'zbekiston davlat san'at va madaniyat instituti "Folklor va etnografiya" kafedراسi o'qituvchisi Kamoliddin Sunnatillayev ham o'zining musiqiy chiqishi bilan ishtirokchilarning e'tirofiga sazovor bo'ldi.

Bir so'z bilan aytganda, mazkur forumda ko'plab ziyolilar bilan fikr va tajriba almashdik. Turkiyadagi ilmiy va ijodiy jarayonlar bilan yaqindan tanishdik.

Ma'lumki, 24-27-sentabr kunlari O'zbekiston va Italiya

o'rtasida oliy ta'lim sohasidagi aloqalarni yanada mustahkamlashga qaratilgan birinchi O'zbekiston-Italiya ta'lim forumi bo'lib o'tgan edi. Unda ham ikki tomondan 70 ga yaqin oliy ta'lim muassasalari rahbarlari ishtirok etdi.

Bunday forumlarning ko'plab o'tkazilayotganidan bilish mumkinki, jahonda barcha sohalar kabi yurtimizning ta'lim tizimiga ham qiziqish yuqori.

Buni yuqori darajada bo'lib o'tayotgan uchrashuv va tadbirlarda dunyoning nufuzli oliy ta'lim muassasalari rahbarlari ham bot bot e'tirof etishmoqda.

Shubhasiz, bu e'tirof va qiziqishning zamirida Hurmatli Prezidentimiz tomonidan olib borilayotgan islohot va yangilanishlar, sohaga berilayotgan e'tibor va g'amxo'rlik mujassamdir.

O'zbekiston davlat san'at
va madaniyat instituti rektori,
professor Nodirbek Sayfullayev

Besh tashabbus olimpiadasi” sport musobaqalari bugun Teatr san’ati fakultetida davom ettirildi.

O'zbekiston davlat san'at va madaniyat institutida “Besh tashabbus olimpiadasi” sport musobaqalari bugun Teatr san'ati fakultetida davom ettirildi.

Fakultet dekani Ma'murjon To'rayev barcha ishtirokchilarga

omad tilab, sport barchamizning kun tartibimizdagi muhim mashg'ulotga aylanishi lozimligini, zeroki, ijodkorning ijodiy kamolotida jismoniy tarbiyaning ahamiyati beqiyos ekanligini ta'kidladi.

Shuning bilan "Besh tashabbus olimpiadasi" sport musobaqalarining fakultet bosqichlari yakunlandi. Endi barcha g'oliblar institut bosqichida bellashadi.

Navbatdagi dissertatsiya himoyasi o'tkazildi

O'zbekiston davlat san'at va madaniyat instituti huzuridagi ilmiy darajalar beruvchi PhD.08/28.08.2020.San.121.01 raqamli Ilmiy kengash asosidagi bir martalik Ilmiy kengashning navbatdagi majlisida Ramz Qodirovning 13.00.02 – Ta'lim va tarbiya nazariyasi va metodikasi (san'atshunoslik fanlari) ixtisosligi bo'yicha "Talaba-aktyorlarda sahna nutqiga oid bilim va ko'nikmalarni takomillashtirish texnologiyalari" mavzusidagi pedagogika fanlari bo'yicha falsafa doktori (PhD) ilmiy darajasini olish uchun yozilgan dissertatsiya ishi himoyasi bo'lib o'tadi.

Pedagogika fanlari bo'yicha falsafa doktori (PhD), dotsent Jahongir Mamatqosimov ilmiy rahbarligida bajarilgan mazkur dissertatsiya ishi kengash a'zolari tomonidan qizg'in muhokama qilindi.

Majlis yakunida kengash qaroriga ko'ra Ramz Qodirovning "Talaba-aktyorlarda sahna nutqiga oid bilim va ko'nikmalarni takomillashtirish texnologiyalari" mavzusidagi pedagogika fanlari bo'yicha falsafa doktori (PhD) ilmiy darajasini olish uchun yozilgan dissertatsiya ishi muvaffaqiyatli himoya qilindi

deb topildi.

“Besh tashabbus olimpiadasi” sport musobaqalari bugun Xalq ijodiyoti fakultetida davom ettirildi.

O‘zbekiston davlat san’at va madaniyat institutida yoshlarda o‘z irodasi, kuchi va imkoniyatlariga bo‘lgan ishonchni mustahkamlash, iqtidorli sportchilarni saralash hamda jismoniy tarbiya va ommaviy sportni yanada rivojlantirishga qaratilgan “Besh tashabbus olimpiadasi” sport musobaqalari bugun Xalq ijodiyoti fakultetida davom ettirildi.

Musobaqalarni ochib berar ekan, Yoshlar masalalari va ma’naviy-ma’rifiy ishlar bo‘yicha birinchi prorektor Shohbek Ergashev mazkur musobaqaning bosh maqsadi avvalo, sog‘lom turmush tarzini targ‘ib qilish ekanligini, g‘alaba esa qo‘shimcha rag‘abat ekanligini ta’kidlab, ishtirokchilarga omad tiladi.

✂Fakultetning sportsevar talabalari sportning futbol, yengil atletika, stol tennisi, voleybol va basketbol turlari bo‘yicha o‘zaro bellashdi. G‘oliblari institut bosqichida fakultet sharafini himoya qilishadi.

0‘zbekiston davlat san‘at va madaniyat institutida “Yangi 0‘zbekiston – yangi davr qo‘g‘irchoq teatrlari” mavzusidagi respublika ilmiy-amaliy konferensiyasi o‘tkazildi.

□□Konferensiyada institutda faoliyat olib borayotgan professor-o‘qituvchilar va tadqiqotchilar bilan bir qatorda, institutning Farg‘ona mintaqaviy filiali hamda Nukus filiali professor-o‘qituvchilari, shuningdek, yurtimizning deyarli barcha Qo‘g‘irchoq teatrlari direktor va bosh rejissorlari ishtirok etib, soha tarixi, bugungi kundagi faoliyati va rivojlanish tendensiyalariga oid fikr-mulohazalarini bildirishdi.

□Anjumanni kirish so‘zi bilan ochib berar ekan, Ilmiy ishlar va innovatsiyalar bo‘yicha prorektor Baxtiyor Yakubov bugun tobora globallashtayotgan hamda mafkuraviy hurujlar ko‘paygan bir davrda bolalar ongi va ruhiyatini turli yot g‘oyalardan asrash, ularni vatanparvarlik ruhida tarbiyalash uchun qo‘g‘irchoq teatrlarining roli juda ham yuksak ekanligini, shu ma’noda, bugungi konferensiya mamlakatimizdagi qo‘g‘irchoq teatrlarining yutuq va kamchiliklarini o‘rganish, yutuqlarini keng targ‘ib etish, muammolarning yechimini izlashda muhim ahamiyat kasb etishini qayd etib, anjuman ishiga muvaffaqiyat tiladi.

□Konferensiyaning yalpi majlisida “0‘zbek qo‘g‘irchoq teatrida an‘ana va zamonaviy taraqqiyot masalalari”, “Yangi davr

qo'g'irchoq teatri rejissyorlarining ijtimoiy, ma'naviy va estetik normalarining shakillanish omillari va ularning yechimi", "Yangi O'zbekistonda qo'g'irchoq teatr san'atiga yangicha yondashuv", "Qo'g'irchoq teatrida tarixiy shaxslarning obrazi", "Проблема невыразительных голосов актёров в профессиональных театрах кукол", "Fan, ta'lim va ishlab chiqarish integratsiyasi masalalari", "Qo'g'irchoq teatr san'atida musiqa" kabi ko'plab dolzarb mavzular qamrab olingan ma'ruzalar yig'ilganlar e'tiboriga havola etildi.

Konferensiya to'plamida 50 dan ortiq maqolalar jamlangan bo'lib, ularda mualliflar umuman zamonaviy qo'g'irchoq teatri qanday bo'lishi kerak? Bugun qanday mavzulardagi spektakllarga ehtiyoj bor? Va boshqa ko'plab dolzarb va muhim savolarga javob berishga intilgan.

Konferensiya yakunida barcha ishtirokchilar sertifikat bilan taqdirlandi.

Besh tashabbus olimpiadasi” sport musobaqalari davom etmoqda.

Avval xabar berganimizdek, O'zbekiston davlat san'at va madaniyat instituti Kutubxona-axborot faoliyati fakultetida "Besh tashabbus olimpiadasi" sport musobaqalarining fakultet bosqichi bo'lib o'tmoqda.

Bugun Kino, televideniye va radio san'ati fakulteti talabalari sportning futbol, yengil atletika, stol tennisi, voleybol turlari bo'yicha o'zaro bellashdi. G'oliblari institut bosqichida fakultet sharafini himoya qilishadi.